



Publicaziuns dalla vischnaunca, jamna 15

Damondas da baghegiar

2021-1022.000

Datum dalla publicaziun: 16 d'avrel

Ils patrons: Regina ed Uve Giger, Via Denterpraus 1, 7186 Segnas

Object: Construcziun nova d'in sottetg, parcella 3628, Via Denterpraus 1, 7186 Segnas

2021-1023.000

Datum dalla publicaziun: 16 d'avrel

Il patron: António Luis Dos Santos Pimenta, Via Sontget 3, 7180 Disentis/Mustér

Object: Tschentar ina casetta da curtin, parcella 916, Via Sontget 3, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 16 d'avrel 2021

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2021-2015.000

Swisscom (Schweiz) AG, Invoice Center, Caum postal 401, 8901 Urdorf; postar lingias el liber en in stabiliment sutterran, parcelas 434 e 447, Via Bugnei, Mumpé Tujetsch, 7186 Segnas.

Nr. 2021-2016.000

Clotilda Tenner-Schnoz, Via Salez 11, 7186 Segnas; nova cuvrida dil tetg e remplazzament dils tetgals, parcella 88, 7186 Segnas.

Nr. 2021-2018.000

Josef e Rosa Catrina Bargetzi, Sum Curtgins 3, 7013 Domat/Ems; montar cundrez fotovoltaic sin tetg, parcella 756, Via Sogn Gions 7, 7180 Disentis/Mustér.

Nr. 2021-2019.000

Walter Andriuet, 17/13 moo 1, Samaesarn, 20180 Sattahip/Tailanda; modificaziun dil terren, parcella 648, Via Dulezi 9, 7180 Disentis/Mustér.

Nr. 2021-2020.000

Anselm Sialm, Via Foppas 30, 7186 Segnas; sanaziun dallas finiastras dalla tegia da cuolm, parcella 3279, Mises las Cavorgias, 7180 Disentis/Mustér.

Nr. 2021-2021.000

Félicie Affolter, Via Clis 15, 7180 Disentis/Mustér; montar cundrez fotovoltaic sin tetg, parcella 551, Via Clis 15, 7180 Disentis/Mustér.

Disentis/Mustér, ils 16 d'avrel 2021

Uffeci da baghegiar Disentis/Mustér



Exposiziun da cooperaziun

Revisiun parziala dalla lescha da baghegiar

En applicaziun d'igl art. 13 dall'ordinaziun cantunala davart la planisaziun dil territori per il cantun Grischun (OPTGR) ha liug l'exposiziun publica da cooperaziun per ina revisiun parziala dalla lescha da baghegiar dalla vischnaunca da Disentis/Mustér.

Object:

Revisiun d'igl art. 74 dalla lescha da baghegiar LB

Acts d'exposiziun:

- Sboz davart igl art. 74 cun las midadas previdas
- Rapport da planisaziun e cooperaziun

Temps d'exposiziun:

30 dis naven dils 16 d'avrel entochen ils 17 da matg 2021

Liug e temps d'exposiziun:

Casa communal (stanza nr. 10), Via Cons 2, 7180 Disentis/Mustér durant las uras da spurtegl. Ils acts d'exposiziun ein era accessibels digitalmein sut la suandonta adressa

<http://www.disentis.ch/downloads/spurtegl-virtual/administraziun/>.

Propostas motivadas per midar ni completar igl artechel 74 ein da far a scret entochen ils **17 matg 2021** (datum dil bul postal) alla suprastonza communal, Via Cons 2, 7180 Disentis/Mustér.

Disentis/Mustér, ils 12 d'avrel 2021

Suprastonza communal Disentis/Mustér

Rumida da neiv sin vias d'uaul e vias funsilas

Appel

Mintgamai la primavera durant la marschauna ein las vias cun cuvrida naturala sensibilas sin donns. Per quei motiv ei la rumida da neiv a basa privata sin vias d'uaul, vias funsilas e vias da meglieraziun **scumandada** (art.10 dil reglament da traffic).

En cass urgents sa la vischnaunca lubir excepziuns. Damondas per lubientschas excepziunalas ein d'inoltrar per e-mail all'adressa uaul@disentis.ch.

Bien engraziament per Vies risguard.

Direcziun communal

Controlla da habitonts

Naschientscha

Nahel Bisquolm, naschius igl 1. d'avrel 2021, fegl dad Adela e Simon Bisquolm

Rimnada da pupi

Venderdis, ils 16-4-2021!

Preziadas convischinas, prezias convischins. La rimnada da pupi d'avrel ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospects stampai.



Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!
Nossa Scola populara Mustér, Ch. Berger

Colonna d'agid Mustér

Informaziun

Cuors da reiver per affons 2021 a Mustér/Lai Alv. Era uonn meina la Colonna d'agid Mustér atras ils cuors da reiver per affons duront las suandontas duas jamnas:

1. jamna 11-7–16-7-2021
2. jamna 18-7–23-7-2021

Prender part san affons dallas annadas 2005–2012. Annunzias vegnan pridas encunter naven dils **7 da zercladur 2021** en scret a Marco Schmed, Via Soliva 5, 7180 Mustér. Per ulteriur sclariment stat medemamein Marco Schmed a disposiziun, tel. 081 947 42 02. e-mail: laialv@disentis.ch.

Colonna d'agid Mustér

Societad sempla Alp Run Mustér

Pervia dalla pandemia da Corona vegn la raduonza generala 2021 spustada sin igl atun.
